

ԳՐԲՈՒՅԿ ՀԱՅ ՄԱՐՏԻԿՆԵՐԻ ՍԽՐԱԳՈՐԾՈՒԹՅՈՒՆՆԵՐԻ ՄԱՍԻՆ

Հայրենական պատերազմում Սոցիալիստական հայրենիքի պաշտպանության համար հայ ժողովրդի պանծալի զավակների անօրինակ հերոսության, խիզախության և անձնագոհության մասին է պատմում Ս. Վ. Խարմանդարյանի «Հայ ժողովրդի մարտական համագործակցությունը Սովետական Միության ժողովուրդների հետ Հայրենական Մեծ պատերազմում» գրքույկը, որ լույս է տեսել վերջերս Հայկական ՍՍՌ Գիտությունների ակադեմիայի հրատարակչությամբ:

Դրքում հանդամանորեն խոսվում է Հայրենական պատերազմի տարիներին թիկունքում կատարվող աշխատանքի, ռազմաճակատին ցույց տրվող օգնության մասին: Ուշագրավ փաստեր են բերվում արդյունաբերության, գյուղատնտեսության բնագավառներում ձեռք բերված նվաճումների վերաբերյալ, նվաճումներ, որոնք ի սպաս էին դրվում ռազմաճակատին, օգնում էին մեր մարտիկներին կատարելու իրենց պարտքը հայրենիքի հանդեպ, ջախջախելու գերմանա-ֆաշիստական հորդանքներին:

Ընթերցողը գրքույկում կարող է գտնել հարուստ նյութ ճակատում հայ ժողովրդի պանծալի զավակների մարտական սխրագործությունների մասին: Հեղինակը պատմում է հայ ժողովրդի գյուցագուն զավակների — Սովետական Միության կրկնակի հերոս Նելսոն Ստեփանյանի, Սովետական Միության հերոս Հունան Ավետիսյանի, անվեհեր օդաչու Գազարյանի և շատ ուրիշների մարտական սխրագործությունների մասին:

Հեղինակը, հենվելով Սովետական մամուլի, ինչպես և արխիվային հարուստ տվյալների վրա, բերում է Մոսկվայի, Լենինգրադի, Ստալինգրադի, Սևաստոպոլի պաշտպանության գործում հայ ժողովրդի պանծալի զավակների՝ գեներալների, սպաների, մարտիկների անմահ սխրագործությունները բնութագրող բազմաթիվ փաստեր: Մոսկվայի պաշտպաններից մեկի մասին Րյա Էրենբուրգը դրել է «Հայաստանի զավակ, հաղթանգամ, սևաչյա սերժանտ Հակոբյանը զոհվեց որպես հերոս: Հակոբյանը, տեսնելով, որ ֆաշիստները շրջապատել են ավագ լեյտենանտ Վասիլևին, նետվեց թշնամիների վրա՝ նա ոչնչացրեց 16 ֆաշիստների: Նա ծանր վիրավորված պառկած էր Սմոլենսկում մարզի մոլթ խրճիթներից մեկում: Երբ մի պահ զիտակցությունը վերականգնվեց, նա հարցրեց. — Վասիլևը կենդանի է» (էջ 23):

Հակոբյանը մեկն էր հայ ժողովրդի հազարավոր փառապանծ զավակներից, որոնք կրծքով պաշտպանեցին Սոցիալիստական հայրենիքը:

Լենինգրադի պաշտպանության հետ անխզելիորեն կապված է Սովետական Միության կրկնակի հերոս Նելսոն Ստեփանյանի անունը:

Լենինգրադի հերոսական պաշտպան, գեներալ մայոր Բենիամին Գալստյանի մասին Նիկոլայ Տիխոնովը գրել է. «Գալստյանի անունը մենք կմտցնենք Լենինգրադի հերոսների, պաշտպանների ցուցակներում, որոնց չի կարող խուճապել ժամանակը և ընդմիջտ կհիշենք նրան իբրև մեր մեծ քաղաքի սքանչելի հայրենասերը» (էջ 25): Գնդապետ Ս. Խաչիկյանը ճակատից գրած իր մի նամակում նշում էր, որ հայ մարտիկները երջանիկ են համարում իրենց, որ գտնվում են Լենինգրադի փառապանծ պաշտպանների շարքում և իրենց ուսու, ուկրաինացի, բելոռուս, վրացի, ադրբեջանցի, ուզբեկ եղբայրների հետ ձեռք ձեռքի տված պաշտպանում են Լենինի անմահ քաղաքը:

Ստալինգրադի համար մղվող հերոսական մարտերում իրեն անթառամ փառքով պսակեց Ռ. Հայկական հրաձիգ զվարդիական ղեկիղիան: Այդ օրերին «Պրավդա»-ն հայ մարտիկների մասին գրում էր. «Նրանք ամենուր արիարար մարտնչում են Հայաստանի և ողջ Սովետական հայրենիքի համար, որտեղ այդ պահանջում է նրանցից զինվորական պարտքը:

Հայ մարտիկները բազմաթիվ սխրագործություններով հարստացնում են հայ ժողովրդի փառքը, իր ազատագրման համար մղվող պայքարում նրա դրսևորած խիզախության տրադիցիաները, որոնք դարերի միջից հասել են մեզ» (էջ 30):

Հեղինակը, այնուհետև, պատմում է Կովկասի պաշտպանության, Ղրիմի, Ուկրաինայի, Բելոռուսիայի, Մերձբալթյան ռեսպուբլիկաների ազատագրման համար հայ մարտիկների ցուցաբերած մասսայական հերոսության ու անձնվիրության մասին, պատմում է Բեռլինի գրավման ժամանակ գեներալ մայոր Նվեր Սաֆարյանի զլխավորած հայկական միավորման մարտական սխրագործությունների մասին:

Գրքույկում զգալի տեղ է տրված Ուկրաինայի օկուպացված տերիտորիայում գործող՝ Անաստաս Միկոյանի անվան հայկական պարտիզանական ջոկատի «Հաղթանակ» հայկական պարտիզանական ջոկատի գործողություններին, Բելոռուսիայի, Ղրիմի օկուպացված տերիտորիայում գործող հայ պարտիզանների մարտական սխրագործություններին:

Հայ ժողովուրդը իր շարքերից տվեց Սովետական Բանակի 54 գեներալ: Հայ ժողովրդի 106 դյուցազուն զավակներ Հայրենական պատերազմի ճակատներում ցուցաբերած հերոսության համար արժանացան Սովետական Միության Հերոսի բարձր կոչմանը, իսկ 66802 հոգի պարգևատրվեցին մարտական շքանշաններով ու մեդալներով:

Ս. Վ. Խարմանդարյանի «Հայ ժողովրդի մարտական համագործակցությունը Սովետական Միության ժողովուրդների հետ Հայրենական Մեծ պատերազմում» գրքույկը ընթերցվում է հետաքրքրությամբ:

Ա. ՀԱՐՈՒԹՅՈՒՆՅԱՆ